

## OBRAZAC "ODGOVOR NA VIJEĆNIČKA PITANJA"

Datum: 28.10.2022. godine

15. sjednica Općinskog vijeća Busovača

Ime i prezime vijećnika: **Marko Šantić**

**Pitanje:** Dobar dan. Ispričavam se što sam kasnio. Lijep pozdrav svim slušateljima, također i načelniku i predsjedatelju/predsjedavajućem vijeća. Moje pitanje je slijedeće, znači pitanje se odnosi na pse lualice, pa sam htio da pitam Nadležnu službu, znači što/šta su poduzeli i ako nisu da urgentno poduzmu sve mjere i radnje da se sa naših ulica zbrinu psi lualice. Također, pitanje hajd da kažem podpitanje imaju li službenu evidenciju osoba koje su prijavljene za nelegalno puštanje pasa na području Općine Busovača. Također, upućujem pitanje Udruzi za zaštitu životinja da nam dostave evidenciju o dosadašnjim evidentiranim i svaki drugi način rješениh problema pasa lualica na području Općine Busovača.

Zahvaljujem.

Nadležnost: Služba za civilnu zaštitu Općine Busovača

Odgovorna osoba/funkcija: Nevenka Gavranović, pomoćnik Općinskog načelnika

### Odgovor:

Godinama su veliki problem na ulicama bili i psi lualice, za šta najveću odgovornost snose nesavjesni vlasnici koji ih napuštaju, mada većina istih nema svoje vlasnike.

Naime, svakodnevno se sve veći broj građana žali na pse lualice, koji predstavljaju potencijalnu opasnost zbog eventualnih bolesti i agresivnosti. Zakonom o zaštiti i dobrobiti životinja BiH, koji je donesen u februaru 2009. godine, propisano je da će se problem napuštenih i izgubljenih životinja riješiti otvaranjem azilantskih centara i humanom kastracijom i sterilizacijom. Međutim, veoma mali broj općina ima uspostavljeno sklonište za napuštene životinje. Uzimajući u obzir ozbiljnost ove pojave, kao i opasnost od zaraza, uključujući i pojave bjesnila, premijer Federacije BiH apeluje još 2010. godine i na ostale nivoe vlasti u Federaciji BiH da se što hitnije uključe u rješavanje ovog problema. Međutim, do danas se nije riješio...

Psi lualice su proizvod napuštenih pasa koji su se namnožili i pitanje njihovog zbrinjavanja je problem svih nas, ne samo Općine Busovača, i prisutan je u gotovo svim sredinama našeg okruženja, a vjerojatno i šire. Kako taj problem nije od jučer, već se pojavio davno prije rata na našim prostorima i sve je prisutniji Nažalost, tako je i u mnogim drugim segmentima života. U konkretnom slučaju nema tačno evidentiranih i čipiranih ne samo vlasničkih pasa, već i druge sitne i krupne stoke, a pogotovo (ne)evidentiranih napuštenih pasa. Također, nemamo evidencije ljudi, tj. službenu evidenciju osoba koje su prijavljene za nelegalno puštanje pasa na području općine Busovača, iako postoji saznanje da je bilo nekih prijava u Policijskoj stanici Busovača o čijim ishodima rješavanja nismo upoznati, već se mogu samo tražiti od PS Busovača.

Navedeno je stalan problem, stalno se rješava i stalno o tome govorimo, što nije nikakva novost, jer se sa navedenim problemom i njegovim rješavanjem suočavamo već duži vremenski period. Istina, zahvaljujući saradnji Općine Busovača i Udruge za zaštitu životinja i okoliša „Betty“ najčešće je ovo periodična ili privremena pojava. Naime, aktivnostima članova navedene Udruge, čije aktivnosti sufinancira Općina Busovača na osnovu zaključenog Ugovora o međusobnoj saradnji, navedena pojava rješava se kroz udomljenje istih u skloništu ove Udruge. Međutim, postoji i drugi problem zbog čega se isti ponavlja.

Naime, pored činjenice da postoje neodgovorni vlasnici pasa koji ih jednostavno napuste i prepuste ulici, izražen je problem dovoza životinja iz drugih sredina i njihovo ostavljanje na prostorima naše općine, najčešće u samom gradu. Kako se radi o aktivnostima koja se obavlja u „sitne“ sate ili vrijeme i na mjestima kada i gdje nema građana, po pravilu počinioци navedenih (ne)djela ostaju nepoznati, a problem ostaje u našem gradu.

Naravno i do nas ljudi je: jedni se stavljaju kao zaštitnici životinja i hrane ih po ulicama, drugi su kao najveći neprijatelji ne samo životinja već i ljudi i djece koji to rade (hrane ih), a postoje i treći koje se ograđuju od svega toga jer smatraju da to treba neka institucija sve da riješi. Zato sugerišemo da i ovo pitanje koje ste postavili stavite na dnevni red sjednica Općinskog vijeća za njegovo praktično i zakonski ispravno rješavanje, jer Zakon o veterinarstvu u Bosni i Hercegovini („Službene glasnik BiH“, broj: 34/2002), Zakon o veterinarstvu F BiH („Službene novine Federacije BiH“, broj: 46/2000) i Zakon o zaštiti i dobrobiti životinja („Službene glasnik BiH“, broj: 25/2009 i 9/2018) i („Službene novine Federacije BiH“, broj: 46/2000) decidno **nije regulirao način zbrinjavanja napuštenih pasa** ili „pasa lotalica“ kako ih nazivaju. I pored činjenice da su ograničeni sa kapacitetima za smještaj, Udruga koristi dvorišta i improvizirane boksove, koji su od prošle godine i te kako popunjeni. I tko zna još koliko će to sve potrajati, jer se stalno ponavlja isti scenario, a to je da se u našu općinu neprekidno dovoze napušteni psi sa svih strana, drugih općina i gradova. Najviše i se zadržavaju na mjestima gdje je i najveći protok ljudi, djece, pa i životinja, jer od gladi i mirisa hrane dospiju doći u poljoprivredna gazdinstva, kojima provale i prouzrokuju štete u sitnoj stoci. Iz istog razloga dospiju i u same objekte i centar, jer su vođeni mirisima hrane gdje se peku peciva i prodaje hrana za djecu-učeničku populaciju i odrasle.

U zvaničnoj informaciji o radu navedene Udruge stoji da su **samo u protekloj godini udomili 105 napuštenih pasa i sterilizirali 37 ženskih pasa radi sprečavanja njihovog razmnožavanja, uz šta su svi „zbrinuti“ psi dobili mikročip i vakcinu protiv bjesnila.** Uz to, izvršen je popis svih vlasničkih pasa, iz razloga što problem napuštenih životinja u velikom broju zavisi od njihovih (ne)odgovornih vlasnika.

I pored činjenice da su ograničeni sa kapacitetima (za smještaj koriste dvorišta i improvizirane boksove, a prošle godine im je provaljeno u sklonište u Kaoniku iz kojeg su puštene sve zbrinute životinje koje su ipak uspjeli pronaći i smjestiti u drugo sigurno mjesto), članovi ove Udruge istinski rade dobar posao, zbog čega će sigurno i aktuelni problem biti vrlo brzo riješen.

Zato apelujemo na sve građane da ovoj Službi ili Policijskoj stanici Busovača prijave sve navedene a uočene aktivnosti, kako bi se protiv neodgovornih lica poduzele odgovarajuće mjere sa ciljem sprečavanja navedene pojave.

U isto vrijeme Udruga „Betty“ će nastaviti sa svojim redovnim aktivnostima uklanjanja sa ulica i zbrinjavanja pasa lotalica, uz nastavak aktivnosti masovne sterilizacije pasa i njihovog udomljavanja, a pojačat će se i započete aktivnosti na provođenju edukativno-kreativnih radionica na temu napuštenih životinja sa akcentom na mlade, odnosno učenike ovdašnjih škola.

Sa svoje strane Općina Busovača će u okviru svojih mogućnosti podržati sve aktivnosti koje će rezultirati sigurnim ulicama Busovače kada su u pitanju psi lotalice.

Izvor informacije (interni/općina-vanjski):

Interni – Općina Busovača, Služba za civilnu zaštitu

Vanjski: Udruga za zaštitu životinja i okoliša „Betty“ Busovača

Datum odgovora: 18.11.2022. godine

Potpis: \_\_\_\_\_

Načelnik: \_\_\_\_\_

